

TS 237.78/3123C(4)

Table with 10 columns and 10 rows, containing faint, illegible text. The text is arranged in a grid format, likely representing a list or index of items. The characters are very light and difficult to discern, but appear to be organized in a structured manner.

明詩別裁集卷七目錄

高叔嗣 九首

徐階 二首

鄭旦 一首

張時徹 二首

蘇祐 三首

華察 六首

陸粲 一首

袁袞 四首

王慎中 三首



皇甫冲 二首

皇甫沔 十首

唐順之 三首

陳東 二首

黃省曾 一首

錢 鏞 六首

尹 耕 十首

皇甫湜 八首

蔡 楠 一首

黎民表 三首

沈 鍊 三首

翁大立 一首

王 問 二首

徐文通 一首

陳臯謨 一首

張居正 一首

楊繼盛 一首

楊 巍 二首

姚汝循 二首

魏時亮 一首

皇朝詩林卷之七

月寺刊載集卷七目錄

申時行 二首

唐 鉞 一首

許邦才 一首

皇甫濂 二首

明詩別裁集卷七

長洲 沈德潛確士

周 準欽萊 同輯

高叔嗣

叔嗣字子業祥符人嘉靖癸未進士官至湖廣按察使  
蘇門五言冲淡得韋蘇州體王元美評云如高山鼓

琴沉思忽往木葉盡脫石氣自青良然。王敬美云徐昌穀高子業  
二君詩有不同而皆巧於用短徐以高韻勝高以深情勝更千百年

李何有時廢興  
二君必無絕響

再調考功作

引疾三上書。微願不克諧。徙官復在茲。心迹一何  
乖。軒裳日待日。閭闔凌雲排。入屬金馬籍。出與群  
龍偕。積賤詎有基。履榮誠無階。但惜平生節。逾久

明詩別裁集卷十七  
浸沉埋。既妨來者途。誰明去矣懷。鳥迷思故林。水落存舊涯。惟當尋素業。歸卧守荆柴。

謹微葆真不躁進不妨賢卓然想其

風槩。入理不腐善學大謝

### 古歌

荆和當路泣。良璞為誰明。茫然大楚國。白日失兼城。燕石十襲重。魚目一笑輕。古來多感歎。今予益吞聲。

### 敘懷

伊昔迨弱冠。奮足參賢豪。衣褐出下國。脫輓造中朝。聖期開九五。河清在一朝。升龍假玄淵。鳴鳳託

芳條。五從宰府辟。連荷公叔招。名過有瑕類。道在無矜驕。猶全不肖軀。解冕未逍遙。

### 答谷司僕見問

幸自返中園。非關逃微祿。方因疾病餘。黽勉供樵牧。春至東郭田。夏來北林木。時從遠原上。日縱平郊目。野老逢與言。道書間能讀。何能共世人。無事相追逐。勞君問出處。日暮掩茅屋。

### 簡袁永之獄中

本同江海人。俱為軒冕誤。子抱无妄憂。余有多言懼。昔來始青陽。今此已白露。豈乏速進階。苟得非

子慕罪至欲何言。直以愚慵故。衆女競中閨。獨退反成怒。追誦古時人。蒙冤誰能訴。皇心肯照微。與子齊歸路。

病起偶題

空齋晨起坐。懽遊罷不適。微雨東方來。陰靄倏終夕。久卧不知春。茫然怨行役。故園芳草色。惆悵今如積。

送別德兆武一放歸

燕郊秋已甚。木葉亂紛紛。失路還爲客。他鄉獨送君。罷歸時共惜。棄置古常聞。莫作空山卧。令人望

白雲。

分水嶺晚行

客興日無奈。兵荒歲屢加。少年曾許國。多難更移家。遠水通春騎。孤城起暮笳。憑高一回首。何處是京華。

寒食定興道中

二月鶯花少。千家雨雪霏。可憐值寒食。猶未換征衣。積水生空霧。高城背落暉。忍看楊柳色。從此去王畿。

徐

階

階字子升華亭人嘉靖癸未賜進士第三累官少師吏部尚書贈太師謚文貞

送司封仲芳楊子赴留都

哲人重道義。朝貴不足縻。丈夫志四方。遠適非所  
悲。如何與子別。悵悵不忍辭。古道日淪替。群諛紛  
追隨。子獨諒迂僻。經訓相劇規。去住忽以異。麗澤  
安所資。頽波無停流。靈耀亦西馳。感此重念子。何  
以慰爾知。至理不外得。吾心實吾師。願言勵操存。  
千里同襟期。

橫溪爲彭允禎賦

橫溪東去水迢迢。虛閣重簷共寂寥。山外夕陽低  
度鳥。雨餘春渚暗通潮。寒空落葉書聲靜。秋草孤

帆客夢送。欲徙石湖湖上石。爲君乘月更吹簫。

鄭

旦

旦字希周歙縣人嘉靖癸未  
進士官至浙江右布政使

曉發洱海夕次濱川

天高野曠瘴煙收。風急霜繁落木秋。箬道千盤臨  
戍堡。山城百雉入邊州。諸蕃樂歲休戎馬。孤館頻  
年望斗牛。夜半角聲吹激烈。紛紛涼月照人愁。

張時徹

時徹字唯靜鄞縣人嘉靖癸  
未進士官至南京兵部尚書

采葛篇

種葛南山下。春風吹葛長。二月吹葛綠。八月吹葛  
黃。腰鎌逝采掇。織作君衣裳。經以長相憶。緯以思



不忘出入君篋笥。長得近輝光。層冰布河水中野。  
皓凝霜。吳羅五文采。蜀錦雙鴛鴦。君恩當斷絕。歎  
息摧中腸。中腸日以摧。葛葉日以衰。願留枯根株。  
化作萱草枝。古樂府語意

初秋

一聲漁唱海天秋。素練初飛白鷺洲。亦有芙蓉自  
開落。何人解識漢宮愁。

蘇

祐

祐字允吉。濮州人。嘉靖丙戌進士。官至兵部左侍郎。宣大總督。

九日

落木驚風候。淹留感歲華。陰雲連紫塞。清淚對黃

花。八駿周京馬。孤蓬漢使槎。高臺予懶上。不為苦  
思家。

予告歸入倒馬關作

南風吹雨傍關來。關上千峰畫角哀。老去尚憐金  
甲在。生還重見玉門開。鷓鴣絃謾引思歸調。虎節空  
慙上將才。聖主恩深何以報。車前部曲重徘徊。

塞下曲

將軍營外月輪高。獵獵西風吹戰袍。虜筈無聲河  
漢轉。露華霜氣滿弓刀。

華

察

察字子潛。無錫人。嘉靖丙戌進士。官至侍讀學士。掌南  
院。學士五言。冲淡有陶韋風。然垢氛已離。未穿溟滓。

秋日觀稼樓曉望

日出天氣清。山中悵幽獨。登高一眺望。風物淒以  
肅。流水映郊扉。炊煙散林屋。秋原一何曠。薄陰翳  
荒竹。時聞鳥雀喧。因念禾黍熟。悠悠沮溺心。千載  
猶在目。

王摩詰云雀喧禾黍熟此  
衍作十字便不及古人

宿玉陽山房

返照明溪梁。深松晦夕景。巖卧符夙期。雲陰石牀  
冷。因投物外心。遂入清虛境。天寒木葉疎。月照山  
房靜。然燈獨不寐。秋宵一何永。明發從此辭。白雲  
鎖蒼嶺。

游善卷碧仙巖

落日下空門。齋鐘出林莽。偶茲叩精廬。再宿翠微  
上。舊游不知處。但見松杉長。巖虛露氣清。坐覺心  
魂爽。月白山窗高。夜靜風泉響。遂令寤寐中。超然  
脫塵網。雲壑永棲遲。願言稅歸鞅。

五月望夜與諸君山中再酌

仲夏苦晝永。薰風起將夕。圓景海上來。照此山中  
客。坐令微暑消。兼使衆累釋。興至時命觴。露下復  
移席。因耽水竹居。遂同魚鳥跡。盤遊豈忘返。翫物  
聊自適。臺空人影疎。夜靜潭氣白。參差樹杪峰。歷

歷辨咫尺。超然悟真境。萬物一虛寂。

山臺曉望懷王僅初不至

初日照臺上。興來成獨遊。天高宿霧盡。木落空山秋。曉色侵殘髻。新寒上故裘。吳門隔煙水。悵望空悠悠。

惠山寺與施子羽話別

看山不覺暝。月出禪林幽。夜靜見空色。身閑忘去留。疎鐘隔雲度。殘葉映泉流。此地欲為別。諸天生暮愁。

夜靜見空色五字入微然鍾譚專取此種便與詩道日遠

陸

粲

粲字子餘長洲人嘉靖丙戌進士官工科給事中坐劾張桂謫都勻驛丞遷知永新縣

贈別王直夫

威鳳天際翔。潛虬澤中蟠。嚴子時閉肆。貢公乃彈冠。顯晦豈必同。各以性所安。子行樹遠績。奮身青雲端。鄙人棲蓬藿。蹇拙聊自完。丈夫志千載。飛沉何足歎。相期保貞素。歲晚同金蘭。

袁

袞

袞字永之吳縣人嘉靖丙戌進士官刑部主事謫戍湖州後用薦起官至廣西提學僉事

送陳德夫使魯

帝曰封同姓。皇華遣使臣。河山藏漢誓。寶玉展周親。殿說靈光古。經傳孔壁新。余生好文獻。一為訪先民。

自柳至平樂道中書事

遠觸蒼梧瘴。初乘灑水槎。蚺蛇晴掛樹。射蜮晝含沙。  
屋覆湘君竹。山開蜀帝花。夷堅收未盡。博物待張華。

大駕視牲南郊

大路調仙馭。朱旗列禁城。帝牛三月繫。田燭九衢明。  
日並龍旒出。山將彩仗迎。橫汾卑漢詠。裡祀達皇情。

秋興

仙仗行宮舊。內居花間。往往駐鸞輿。徒聞漢帝橫

汾曲。不見長卿諫獵書。天子射蛟開水殿。奚官牧馬遍郊墟。  
蒹葭首宿秋無限。悵望煙雲萬里餘。

王慎中

慎中字道思。晉江人。嘉靖丙戌進士官至河南參政。遵巖以古文傳。然五言古亦窺顏謝堂廡。無一淺語。滑語。

登金山口絕頂

地紀控西界。靈山亘北甸。足弱步屢憩。崖峭石猶踐。  
枝樛迺能援。葛脆不可挽。當其意象開。豈復慮高蹇。  
瞻峰皆剝施。陟澗數迴緬。稍覺天地寬。即看雲煙變。  
石竇芝自榮。林罅雪尚泣。興濶無近尋。登高有遠見。  
周圻矗五雲。易水通一線。微茫燕趙區。歷歷皆可辨。  
長嘯發靈籟。倦坐席苔蘚。氛垢苟不

明言別集卷七  
嬰沉慮斯可遣。

遊白鹿洞

素嬰邱壑情。况秉英賢想。寤寐懸宿心。遊盤得茲賞。重陰始晦蒙。杲杲旋開朗。攬勝據巉巖。探奇歷榛莽。境閑百慮空。意愜二儀廣。野色浮巾衣。秋容成物象。菊含露下英。泉作山中響。柔葉稍朝零。剛條非夏長。景物易流徙。今古同俯仰。躊躇悵回軫。何時還獨往。

遊麻姑山

雲出本無心。擇棲多奇巘。繫予慕真勝。涉趣不知

遠。初緣碧澗行。幾傍丹崖轉。林追去虎蹤。蹬躡飛猿踐。泉流遞淺深。巖谷變陰顯。歎瀑遇留憩。石牀時仰偃。桂芳洞裏秋。霞映山中晚。探異尋前期。入幽忘後反。神遊力不惰。理愜情俱遣。天路如可梯。欲以微官免。

皇甫冲

冲字子浚長洲人嘉靖戊子舉人與弟孝汭濂稱四皇甫。吳中詩品自高李迪徐昌穀後應推皇甫兄弟以造詣古澹無一點穠纖之習時二黃三張空存名目耳

維摩寺雨坐

回嶺無仄徑。陟岡有夷壤。展睽入空濛。游心益昭朗。長風吹輕衣。飄搖翠微上。古寺迷夕煙。明燈淡

明言別集卷七  
九  
綃幌冥。雨從東來。驚雷自西往。林巒忽不見。但聞山礧響。景寂非避喧。心瑩乃成賞。為禮沉疴蹤。因之知幻象。

於巖石上眺東西兩湖

旭踐山中蹊。午憩巖上石。雲移石欲墮。雨霽蹊猶濕。倚策眺兩湖。波光渙相襲。東若既紆青。西蘅亦凝碧。芙蓉落雙鏡。天影浮重壁。檣烏有離聲。磯鷗無並翼。會茲物化情。感彼高深跡。從適得所遣。何為苦拘迫。

皇甫沔

沔字子循長洲人嘉靖己丑進士官至雲南按察僉事子循古體出入二謝五言律亦在錢劉之間與兄子

安可云  
敵手

秋夜把酒對月

宋玉陳九辯。陸機歌百年。悵茲清秋日。聊使幽懷宣。矯矯歸雲雁。嘒嘒含風蟬。摧芳委朝露。俄景流夕川。鱗運有代謝。薜華無長妍。始知行樂貴。何用居情牽。長夜思秉燭。新月正當筵。金尊泛綠醕。寶瑟絙朱絃。商歌當棗下。楚舞出花前。餘名焉足藉。達生乃為賢。

過武城言子祠作

朔風枉輕橈。戴星理扁櫂。超忽之武城。有蕩瞻魯

道古邑一何卑。令猷久彌劭。絃歌謝清響。精華契  
深造。曰余廁文儒。耽寂違時好。剖符辭帝京。腰章  
宰名趙。諒乏操刀資。懼貽製錦誚。經過緬遐矚。神  
對宣幽抱。言采江上蘋。薦此廟中貌。誰謂千載殊。  
可以同高調。

奉答子安兄

江郭改故陰。家園藹新霽。柔條始發林。芳草漸紆  
砌。潘居信爲閒。楊亭况重閉。曰余忝明時。與子承  
嘉惠。分省各有讐。佐郡慙所莅。暫就北山招。轉愜  
東田稅。情忘桃李言。跡豈匏瓜繫。感遇興長謠。來

章緬幽契

從軍行寄贈楊用修

思文際聖君。稽古萃群辟。子雲侍承明。胡爲去荒  
域。被命事犀渠。差勝下蠶室。憤志酬八書。榮名重  
三策。丁年子卿嗟。皓首仲昇泣。看鳶窮瘴煙。放鷄  
定何日。業旣違操觚。勲還期裹革。五月行渡瀘。千  
里望巴國。瀘水向東流。巴雲忽西匿。相思持寸心。  
願附雙飛翼。用修之才而謫戍邊徼有情所共悲也擬  
之馬遷子卿仲昇伏波幾於歌以當哭

舟中對月書情

不識別家久。但看明月暉。關山一以鑒。驛路遠相

明詩別裁集卷一  
二  
違影落吳雲盡。涼生楚樹微。天邊有烏鵲。思與共南飛。

九日寄子約

漫有登高興。兼當望遠何。對花驚白髮。見雁憶黃河。亂後書來少。霜前木落多。不堪羈宦日。同是阻干戈。

元夕熊子叔抑過集時謫遠州

國論何年定。鄉心此夕搖。雁飛天畔驛。龍隱日南橋。謫宦恩非薄。之夷路詎遙。誰憐梁傅淚。曾灑漢文朝。

寄劉諫議畿

欲將尺素遠相貽。疎懶無如與性宜。北虜塵飛榆塞日。西京灰滿柏梁時。中朝望屬陽司諫。左掖吟憐杜拾遺。定有封章回聖主。莫須焚草避人知。

廣寒宮登眺

寶閣凌霄建。珠窻映日開。月臨疑桂宇。露灑即銅臺。山悉圖嶠入。池猶象漢迴。倚妝花屢發。窺舞鳥能來。傾國元因色。勞民豈但財。地隨胡運改。棟與美人摧。殷監良非遠。秦宮亦可哀。聖朝留故蹟。皇覽日休哉。

以前朝為荒宴之戒  
得杜老詠九成宮意



對月答子浚兄見懷諸弟之作

南北何如漢二京。迢迢吳越兩鄉情。謝家樓上清  
秋月。分作關山幾處明。

唐順之

順之字應德武進人嘉靖己丑進士  
官至僉都御史天啓中追謚襄文

登喜峰古城

時三衛貢馬  
散牧關外

絕頂孤峰見廢關。短衣落月試躋攀。三秋豹旅方  
乘障。萬里龍媒正滿山。候雁似隨鄉思去。寒花將  
送使臣還。籌邊迂薄真無補。空望伊吾抵掌間。

復官後報京師友人

姓名不復挂朝參。魚鳥由來性所耽。篋裏符經都

已廢。山中藥草漸能諳。疎狂自分三宜黜。懶病其  
如七不堪。深謝故人推轂意。莫將陽羨比終南。

冬至南郊

明王敦大報泰時禮。神君位以南。離正宵從甲子  
分。月臨太乙館。星動羽林軍。除道疑登岱。鳴簫異  
度汾。聲容六變合。海岳百靈紛。封檢徵題字。屏帷  
悉畫雲。神光人共見。天語帝親聞。盛蹟誰能賦。多  
慙扈從群。

陳

東

東字約之鄞縣人嘉靖己丑  
進士官至河南提學副使

咸寧山中雪霽晚行

雪霽乍見山。殘陽稍辭嶺。暝色起煙氛。寒光散墟井。田空獵火還。林凍棲鳥警。遙聞野寺鐘。初月生俄頃。

都下秋雨夜飲王子長宅

闊別時何屢。蹉跎鬢已侵。還朝明主賜。卜夜故人。心涼雨杯初覆。空堂漏欲沉。安知非夢寐。相對帝城陰。

黃省曾

省曾字勉之吳縣人嘉靖辛卯舉人

江南曲

旖旎綠楊樓。儂傍秦淮住。朝朝見潮生。暮暮見潮

去。

有情而必盡言此詩味所以薄也。只此說住見言外有無限情事。

錢

嶸

嶸字君望南通州人嘉靖壬辰進士歷官參議

憫黎詠

嘉靖戊申。崖吏失御。重以積蠹之餘。群黎遂叛。攻掠城邑。遠近繹騷。撫者無策。漫以牛酒從事。越歲不戢。當路請命征討。予分典戎事。深悼誅夷之慘。用廣咨諏。卒藉天威。誅獲渠首。殲蕩醜類。總五千餘級。諸村悔過。悉歸順焉。庚戌夏四月三日。凱奏底定。追惟致寇。有因覆車。當戒感時。述事。潜然有懷。

在昔邃古初。鴻濛闢天地。絕谷嶂南海。深箐鬱蒼翠。中有黎母居。伊人尚蒙昧。鑿井以飲渴。農田亦時藝。荒路曖匪通。幽局或交市。雖爾隔華界。猶紀王正歲。生黎若草木。榮隕隨和厲。熟黎若鳥獸。獯俟無智慮。所以古先聖。馭之以不治。

粵南本炎嶠。矧此瓊崖東。玄冬日且和。幽郊鮮陰風。花柳蔭廣隰。苗黍青芄芄。皇仁漸南極。草木均化工。豈獨茲黎人。物與非吾同。軍行值人日。感歎心沖沖。

朝發城東門。夕駐藤江壘。殺氣干層雲。狼師渡藤水。雞犬皆震驚。人民盡奔徙。海避愁蛟蛇。山匿畏虎兕。蛇虎猶可虞。狼毒不可邇。軍令甚分明。顛仆何由弭。伶俜泣路衢。迸淚不能已。嗟哉一將功。豈獨萬國毀。

海南無猛虎。而有麋與麋。玄崖產珍木。種種稱絕奇。斯物出異域。頗為中國推。以茲重徵索。奔頓令人疲。窮年務采獵。為官共饋儀。苦云近歲盡。無以充攜持。直欲訴真宰。鏟此蘇民脂。物理有固然。怛令人思。

葉落當歸根。雲沉久必起。黎人多良田。征斂苦倍

明詩歸耕集卷一  
十五  
蕝。誅求盡餘粒。尚。豢犢與豕。昨當租吏來。宰割充  
盤几。吏怒反索金。黎民那有此。泣向邏者借。刻箭  
以為誓。貸一每輸百。股削痛入髓。生當剝肌肉。死  
則長已矣。薄訴吏轉噴。鎖縛不復視。黎兒憤勇決。  
挺身負戈矢。鎗急千人奔。犯順非得已。赫赫皇章  
存。今人棄如紙。

朔風戒良節。赫赫張皇師。軍門號令嚴。震肅將天  
威。壯士快鞍馬。鋒鏃如星飛。一舉破賊壘。刀斧紛  
紜揮。剖尸越邱阜。踏血腥川坻。白日暗西嶺。瘴氣  
昏餘暉。翅鼠墮我前。飢鳥逐人歸。征夫懷慘憂。涕

洒霑我衣。黎人本同性。云何發禍機。神武貴勿殺。  
不在斬獲為。息火當息薪。弭兵當弭飢。誰生此厲  
階。哲士知其非。治之以不治。馭遠人之道也。徵求貢物。賦斂無藝。兵  
戎於是興矣。誰生厲階。至今為梗。末以弭飢為救亂

之本是真能弭亂者。老成遠慮可垂  
炯戒。後之柄國者尚其敬而聽之。

尹

耕

耕字子莘。蔚州人。嘉靖壬辰進士官至河南按察僉事  
坐劾戍遠左。子莘七言律本李空同派。有秋笳曉角

之聲

秋興

薊門千里接雲中。燧火清宵警報同。合陣幾窺青  
海月。鳴鞭爭下黑山風。冬殘戰士衣仍薄。歲歉孤  
城廩欲空。南國十年輸輓盡。防秋諸將漫論功。

十萬鳴弦報吉囊。野心狼子是花當。連姻故自輕  
中國。分道頻看入漢疆。推轂丈人空肉食。操戈遺  
孽尚蕭牆。不應干羽修文日。歲歲三關有戰場。  
威名萬里馬將軍。白首丹心天下聞。遼水旌旗餘  
殺氣。泰山松柏已高墳。條侯自靖中州變。竇憲曾  
銘塞外勲。獨倚凌煙思將略。暮天征雁下寒雲。  
萬山環合蔚州城。紫塞連雲朔氣清。禾黍歲時供  
上谷。烽煙日夜接神京。九宮迤邐通軍壁。高壘崔  
巍列虜營。稍喜摧鋒章節帥。能將俘獲謝蒼生。

上谷歌

大寧無路援開平。極目孤懸獨石城。遙憶先皇親  
躍馬。長驅絕塞苦提兵。寒流汨汨交樵徑。野戍荒  
荒列漢旌。千載土人談往事。伯顏山下有英聲。  
飛狐倒馬紫荊連。此去朝廷路一千。向日北門嚴  
鎖鑰。於今南牧盛風煙。時名受脤當關將。歲德臨  
分破陣年。願假精兵渡遼水。莫令疲病久戈鋌。

紫荊關

漢家鎖鑰惟玄塞。隘地旌旗見紫荊。斥堠直通沙  
磧外。戍樓高並朔雲平。峰巒百轉真無路。草木千  
盤盡作兵。誰識廟堂柔遠意。戟門煙雨試春耕。

上谷歌上楚中丞

戍樓霜重角聲殘。策馬朝登十八盤。紫氣正當天  
北極。彩雲時見漢長安。誓將鎖鑰標銅柱。應有麒麟  
畫鐵冠。况是六龍巡幸地。至今谿谷尚鳴鑾。

春懷

春深關塞尚屯兵。萬里防胡拱漢京。不為翠華臨  
遠道。豈應金甲廢深耕。轉輸坐見司徒急。經略親  
看相國行。莫訝至尊忘北顧。顯陵遷附聖人情。  
往歲關山亦喪師。猶能不失漢旌旗。可憐虎帳分  
符日。偏是沙場棄甲時。白草自長驃騎壘。黃雲空

壓李陵碑。書生無計當戎右。一劔真思報主知。

諸詠

得少陵諸將遺意但少開闔變化所以不逮古人

皇甫湜

湜字子安長洲人嘉靖壬辰進士官至浙江按察僉事。子安枕籍選體故五言自高然得風格而遺精理未云詣

極也

送周氏

清晨餞我友。駕言遠徂征。前瞻齊魯墟。千里浮雲  
興。親交豈不昵。懷役不遑寧。曠野多悲風。揚塵翳  
邊庭。中衢雪霰集。邊馬寒無聲。蹊谷少行跡。側足  
橫層冰。回首望京闕。能不惻中情。子其祇自愛。順  
時保榮名。

秋日雜詩

廓處乏歡悰。出門眺長衢。悲風吹落日。四顧無行  
車。蹉跎失盛年。感歎獨嗟吁。況我在樊籠。六翮不  
得舒。撫劍思西邁。安得守故廬。淮陰困閭里。馬生  
戀邊隅。桑梓豈我志。蓬蒿非我虞。行行舍此去。去  
去浮雲俱。

將命巡軺徙倚署閣

彌辰倦紛牘。徂春悵無樂。庶以散予襟。獨此稽山  
閣。霞蔚見層巒。花深隱群壑。本自滄海人。悔吝滋  
縻爵。旋里東江軺。徘徊眷林薄。俄頃惻幽衷。遇物

悲離索。且憑浮雲征。聊希至人託。

發郡城之天台道中述所經覽寄友

夕夢層城阿。曉行滄波上。縈溪復含流。連岑時隱  
嶂。風湍信千轉。雲峰非一狀。錦繡紛迎翫。氤氳忽  
彌望。蘭泉芬可掬。苔壁險難傍。思偕同懷子。攜手  
追禽尚。

雜興

鶩節流炎紀。馳暉屆清商。游魚湊重淵。蟋蟀鳴空  
堂。白露滋前除。陰風來北房。我心亦何思。所思天  
一方。離居宛如昨。再覩鴻雁翔。含情撫遙夜。申旦

獨徬徨。哀彼采葛詩。零淚沾衣裳。

雪山歌奉寄彭太保

雪山嵯峨控西極。寒井陰光混開闢。千秋鳥道無  
陽春。北風慘淡吹峨岷。羽書宵過褒斜道。火入靈  
關徹昏曉。愁雲百里填城河。帳中銀燭然盤陀。將  
軍狐裘細馬馱。彈箏伐鼓金叵羅。指麾羽扇白玉  
珂。背河一戰收蓬婆。銘功刻石報天子。麒麟閣上  
事已多。憶昔中原全盛日。八方無虞醴泉出。龍舉  
空悲劔鳥藏。海南漠北俱蕭瑟。君王垂衣念西土。  
錢塘老子不足數。彭公大梁佇獻捷。已見彤弓出

天府。持節心知主恩重。入關更識王臣苦。文武吉  
甫非公誰。臨洮健兒勇如虎。驥子朝披玉壘雲。魚  
文夜濕金隄雨。閭中一月見節制。烹羊宰牛酌清  
醑。狼籍衣冠頌破竹。馬前父老稱安堵。園陵佳氣  
春氤氳。錦官城中日鼓舞。當時匹馬更朝天。又逐  
輕車過酒泉。勲名豈數七十戰。至今邊卒高枕眠。  
歸來謁帝承明殿。世事那知一朝變。功成下吏古  
所悲。浮雲蔽日今曾見。天下驚聞柏臺火。匣內空  
留上方劔。壯士長歌梁父吟。孤臣獨泣瑤池宴。蓮  
峰落月照黃河。榆谷飛塵暗蘭縣。武穆祠西秀水



流一望江山淚如霰

功成下吏今古同悲改絃  
變調如宮聲之換羽也

### 西湖歌寄方思道

西湖窈窕三十里。柳絲含煙拂湖水。青山蕩漾春風來。蘇公隄邊花正開。玉缸春酒映江碧。幾醉江邊柳花白。城頭日出照高樓。銀箏翠管喧行舟。吳姝如花捲綃幕。山水倒入金屏流。朝來復脫千金駿。還有牀頭紫綺裘。人生行樂莫顧惜。落日松風吹古邱。我憶京華舊遊地。漁浦東看動愁思。醉裏空歌鏡湖月。夢中尚識孤山寺。信安使君還舊溪。應對花卮惜解攜。白沙翠竹無人問。湖上孤吟聞

馬嘶

### 再別兄弟作

可歎江潭客。重爲魏闕游。河梁一悵望。芳草劇含愁。隴樹三年淚。邊雲萬里秋。無由慰棲泊。羈影任悠悠。

蔡

楠

楠字子木。德清人。嘉靖壬辰進士官至南京兵部侍郎。

### 晚晴

山晴欲暮天。山色轉蒼然。泉落雲中碓。溪迴樹杪船。斜明沙際日。遠遍綠蕪煙。還見鳧鷖伴。閒飛秋水前。

黎民表

民表字維敬從化人嘉靖甲午舉人官至布政司參議

紫荊關

徑轉蛇盤險。雲連鳥去長。山桃微著紫。沙柳不成黃。重鎮臨天府。神功劃大荒。金城誰獻議。老作尚書郎。

橫翠樓

高樓當絕塞。春望轉氤氳。百戰全燕地。千重大漠雲。控弦無掠騎。飲羽憶將軍。老去親戎馬。悲笳向夕聞。

同鄜別駕蔡山人登九成臺

芙蓉秀色半陰晴。影入空江百丈深。紫閣倒垂星宿象。碧天吹落鳳鸞音。烽塵正屬談兵日。雲路誰為出世心。風景故園猶想象。丹梯吾肯倦登臨。

沈

鍊

鍊字純甫會稽人嘉靖戊戌進士除清豐知縣入為錦衣衛經歷坐劾嚴嵩廷杖謫田保安州尋為奸黨所陷戮於邊隆慶初贈光祿寺少卿謚忠愍

寄馮敬叔

同作他鄉客。嗟予更滯留。關山明月夜。邊塞白雲秋。漢闕孤臣夢。胡笳萬里愁。桑乾河水近。知是憶并州。

得應職方書詩以答之

郎署飛符日。題書問謫居。自因鄉使到。翻覺舊交疎。塞月塵沙裏。邊風鼓角餘。誰知遷客夢。夜夜繞鸞輿。應是謫戍後作

送朱子南還

十年辛苦在京華。夢裏何時不見家。一照若耶溪畔。月始知楊柳隔天涯。

翁大立

大立字儒參餘姚人嘉靖戊戌進士官至南京兵部尚書

吳謳

舊徵未云已。府帖重徵新。昨朝銀花布。今日金花銀。侵晨趨城府。薄暮徧鄉鄰。一身應重役。奔走無

定晨。父母生我時。胡不百我身。殘軀被箠楚。苦切難具陳。寧為乞市兒。莫作當官人。銀花布金花銀當日徵稅名目唯吳地行之

王

問

問字子裕無錫人嘉靖戊戌進士官至廣東按察僉事及卒門人私謚文靖

自山中泛湖歸

登踐窮幽深。下山日已晚。餘照留青蘋。歸雲度蒼巘。對此生遠心。返棹意自緩。川塗風浪平。沿流弄清淺。

贈吳之山

城柝聲聲夜未央。江雲初散水風涼。看君已作無家客。猶是逢人說故鄉。其聲淒以哀

徐文通

文通字汝思永康人嘉靖甲辰進士歷官山東按察副使

岱宗

岱頂凌霄十八盤。中原華岳思漫漫。振衣日觀三秋曙。倚劍天門六月寒。風雨黃河通瀚海。星辰紫極近長安。小臣願獻蓬萊頌。閭闔高懸謁帝難。

陳臯謨

臯謨字思贊江陰人嘉靖甲辰進士歷官南京工部郎中

環縣城遠眺

靈武孤城霽色開。感時還上最高臺。山樓風急熊旗動。關塞天連鳥道回。經略久寒西夏膽。安危深仗北門才。殊方獨抱懷鄉思。日暮愁聞畫角哀。

張居正

居正字叔大江陵人嘉靖丁未進士以庶吉士歷官禮部尚書入閣官至太師謚文忠

舟泊漢江望黃鶴樓

楓林霜葉淨江煙。錦石游魚清可憐。賈客帆檣雲裏見。仙人樓閣鏡中懸。九秋杳影橫清漢。一笛梅花落遠天。無限滄洲漁父意。夜深高詠獨鳴舷。

楊繼盛

繼盛字仲芳容城人嘉靖丁未進士官兵部員外郎坐論馬市貶狄道典史事白入為戶部員外調兵部疏劾

嚴嵩論死贈太常少卿謚忠愍

送徐子與讞獄江南

寥落白雲司半虛。看君此去更何如。西曹月滿幽人榻。南國星隨使者車。塞雁不堪行斷候。秋風况

是葉飛初秣陵故舊如相問為道疎狂病未除婉而多風

楊 魏 魏字伯謙海豐人嘉靖丁未進士知武進縣入為兵科給事中累官吏部尚書進少保太保

早秋登龍門城樓

指點雲州地真為漢北門八城臨大漠一路向中原晴日山川映秋田禾黍繁文莊經略處父老至今言

蕭關北作

塞路山難斷胡天雲不開遙驚戍火起數見羽書來周室朔方郡唐家靈武臺客心正多感羌笛暮堪哀

姚汝循 汝循字叔卿上元人嘉靖丙辰進士官至大名知府

郡齋詠懷

巴江清且駛日有東歸舟凜凜歲復暮而我何淹留才不瘳民瘼位固忝邦侯負擔過所任跼蹐增煩憂南山有薄田猶堪具善羞棄捐久不理稂莠將盈疇至道貴兼濟豈固為身謀十羊方九牧雅志悵悠悠安能逐時態坐取素餐尤

章崐岡別駕邀登城南樓

樓前新漲迴浮天把酒登樓思渺然白鳥於人如有識青山何處不堪憐孤舟漁火炊寒渚蕭寺昏

鐘起暮煙。簿領稀疎。逢勝景。誰能獨醒向尊前。

魏時亮

時亮字敬五。南昌人。嘉靖己未進士官至南京刑部尚書。

平壤拜箕子墓并訪井田遺跡

禹。範。留。西。土。孤。臣。獨。向。東。道。無。浮。海。歎。義。與。采。薇。同。舊。井。存。殷。畫。遺。黎。尚。古。風。荒。邱。平。壤。外。麥。秀。想。遺。宮。

柳州碑文盡四十字內安放妥帖神完氣足

申時行

時行字汝默。吳縣人。嘉靖壬戌賜進士第一。累官少師兼吏部尚書。贈太師。謚文定。

題清秋出塞圖

生不識醫無閭。夢不到狼居胥。瞥然示我出塞圖。令我目眩心神徂。憶昔籌邊贊廟謨。桓桓司馬傑。

丈夫帝授節鉞臨玄菟。高憑熊軾佩虎符。榆關九月沙草枯。霜鷹下擊秋原蕪。煙荒雲慘天模糊。惟茲遼左僻海隅。頻年侵擾無寧都。射雕躍馬彎強弧。司馬申令陳師徒。指揮鐵如意。玩弄金僕姑。揚旌督戰親援枹。萬卒超距爭先驅。奔狼突豕皆就俘。凱歌入奏天顏愉。司馬讓功欲若無。但云將士多勤劬。何以勞行役。請蠲幕府租。何以恤飢疲。請發司農儲。人人挾纊齊歡。丁自從司馬歸。江湖遼人茹苦若董荼。荷戈不解甲。挽粟仍飛芻。羽檄徵材官。絡繹在道塗。震鄰之恐非剝膚。騷動根本何。

為乎安得再起司馬登戎樞坐紆長策銷隱虞國  
威震疊邊人蘇安邊之策全在得人與轉輸二者  
失而邊事壞矣篇內具有識力

### 大閱詩應制

廟略收群策宸遊簡六師代當全盛日春是大蒐  
時雲捧蒼龍駕風迴翠鳳旗轅門開複道帳殿繞  
行麾細柳前軍駐長楊後騎隨虬鬚天策將猿臂  
羽林兒拂劍星文動彎弓月影披連營分雁翼布  
陣合魚麗禮示三驅正鋒藏九變奇張侯仍是豹  
賈勇盡如羆引滿雙鷗落騰空萬馬馳元戎歸節  
制法從肅威儀詎數誇胡獵還欣奏凱期大風歌

漢士吉日誦周詩我祖犁庭烈先皇保泰規永言

思繼述持以贊雍熙

歸本於文皇之犁庭孝宗之保泰寓規於頌大臣進言之體

唐

鉞

鉞字君錫蘭溪人嘉靖癸卯舉人官任楚府長史

### 江行

客計方歸越征橈更背吳風螢臨水亂江月向人  
孤洲已過迷子山猶及望夫可憐清夜色強半在  
長途

許邦才

邦才字殿卿歷下人嘉靖癸卯舉鄉試第一官德府長史

### 汴河守凍

客館寒燈淚滿襟間關萬里欲歸心眼前一水冰

霜苦。又說三江瘴癘深。

皇甫濂

濂字子約長洲人嘉靖甲辰進士官興化同知

悼子乘

溟溟雨露集。熙熙歲始更。靈蠢各有化。人理獨無生。念我泉下子。一絕如朝榮。生男以待終。胡為溝天熒。清塵布虛室。寒晦凝軒屏。宿草旅庭薦。哀鳥為悲鳴。悵恍鯉趨日。禮訓猶用情。流目無存影。涕淚交霑纓。恫憂何能已。歎息每遺聲。堂闈曠綦迹。詩書空復盈。奚但腸九迴。心膂成頽崩。愧乏延陵達。無乃傷吾明。

不赴郡檄答子循兄

矯翮思霄翥。游鱗托淵沉。物類各有適。殊塗難並尋。豈伊世網慮。擾擾誰為心。振衣還東山。寢迹棲舊林。江海多風濤。舟楫弭川陰。無令衝波激。但恐歲序侵。願言謝西府。谷口有徽音。

明詩別裁集卷七



明詩別裁集卷八目錄

李攀龍 三十五首

章美中 五首

王世貞 四十首

謝榛 二十六首

明詩別裁集卷八

沈德潛稿士

長洲

周準欽萊

同輯

李攀龍

攀龍字子鱗歷城人嘉靖甲辰進士官至河南按察使歷下詩元美諸家推獎過盛而受之掇擊謹呼叫嗷幾至身無完膚皆黨同伐私之見也分而觀之古樂府及五言古體臨摹太過痕跡宛然七言律及七言絕句高華矜貴脫棄凡庸去短取長不存意見歷下之真面目出矣。七言律已臻高格未極變態七言絕句有神無迹語近情深故應跨越餘子

錄別

顏色無常好。春華一以零。悲風蔽地來。四顧何冥冥。寤言懷往路。攬衣從此興。寒氣拳毛髮。涕泗斷為冰。仰視河漢星。離如水中萍。景光不戀人。遊子

豈遑寧夜依牛羊宿。日驅駑馬行。努力及明時。安能愛其情。

又錄別

秋風西北來。蕭蕭動百草。蕩子無家室。悠悠在長道。紅顏能幾時。棄捐一何早。對客發素書。零涕復盈抱。上言故鄉好。下言故人老。淺淺語道得情出

古意

秋風西北起。吹我遊子裳。浮雲從何來。安知非故鄉。蕭蕭胡馬鳴。翩翩下枯桑。暮色入中原。飛蓬轉戰場。往路不可懷。行役自悲傷。浮雲十字殊近古人

和許殿卿春日梁園即事

梁園高會花開起。直至落花猶未已。春花著酒酒自美。丈夫但飲醉即休。纔到花前無白頭。紅顏相勸若為留。春風何處不花開。何處花開不看來。看花何處好空回。三句一韻末三句纏聯而下格調甚新

歲杪放歌

終年著書一字無。中歲學道仍狂夫。勸君高枕且自愛。勸君濁醪且自酤。何人不說宦遊樂。如君棄官復不惡。何處不說有炎涼。如君杜門復不妨。縱然疎拙非時調。便是悠悠亦所長。

明言別表集卷八  
二  
黃河

復就三秦役。還為四牡歌。北風揚片席。大雪渡黃河。才豈諸郎少。名非一郡多。儒官明主意。吾道好蹉跎。

廣陽山道中

出峽還何地。松杉鬱不開。雷聲千嶂落。雨色萬峰來。地勝紆王事。年饑損吏才。難將憂國意。涕泣向蒿萊。

崔駙馬山池燕集得無字

主家池館帝城隅。上客相如漢大夫。十里芙蓉迎

劍。烏一樽風雨對江湖。橋邊取石鯨飛動。臺上吹簫。鳳有無。向夕不堪車馬散。朱門空鎖月明孤。玩末

句應主  
亡之後

初春元美席上贈謝茂秦得關字

鳳城楊柳又堪攀。謝朓西園未擬還。客久高吟生白髮。春來歸夢滿青山。明時抱病風塵下。短褐論交天地間。聞道鹿門妻子在。祇今詞賦且燕關。誦五

六語如見茂秦意  
氣之高應求之廣

同元美子相公實分賦懷泰山得鐘字

域內名山首岱宗。側身東望一相從。河流曉挂天

明言別表集卷八  
三  
門樹海色秋高日觀峰金篋何人探漢策白雲千  
載護秦封向來信宿藤蘿外杖底西風萬壑鐘第二  
語弱。附記趙鶴登岱句云山壓星辰從下看海浮  
天地自東迴胸中不知吞幾雲夢也惜通篇不稱

送皇甫別駕往開州

銜杯昨日夏雲過愁向燕山送玉珂吳下詩名諸  
弟少天涯宦迹左遷多人家夜雨黎陽樹客渡秋  
風瓠子河自有呂虔刀可贈開州別駕豈蹉跎濟南

論七律云王維李頎頗臻其  
妙讀此數篇知得力有由

送趙戶部出守淮陽

仙郎起草漢明光幾載軍儲事朔方五馬新為淮

海郡三臺舊署度支章行車麥秀隨春雨卧閣花  
深對夕陽時憶上林詞賦客鴻書遙下楚雲長

送暉員外按察郢中

醉擁驪駒不可留送君花發鳳凰樓青春開府西  
陵色到日登臺北雁愁寒雨遠分荆楚望白雲無  
盡漢江流共知人世悲難合倘得隋珠莫暗投

送陸從事赴遼陽

御苑東風吹客過共看芳草有離珂西山晴雪鴻  
邊盡北海春雲馬上多地險時窺玄菟郡天驕夜  
遁白狼河知君幕下參高畫諸將何時議止戈

上朱大司空

河隄使者大司空。兼領中丞節制同。轉餉十年軍國壯。朝宗萬里帝圖雄。春流無恙桃花水。秋色依然瓠子宮。太史但裁溝洫志。丈人何減漢臣風。

懷子相

薊門秋杪送仙槎。此日開尊感歲華。卧病山中生桂樹。懷人江上落梅花。春來鴻雁書千里。夜色樓臺雪萬家。南粵東吳還獨往。應憐薄宦滯天涯。

趙州道中憶殿卿

憶爾檐帷出牧年。風塵誰識使君賢。政成神雀猶

堪下。興盡冥鴻遂杳然。樹色遠浮疎雨外。人家忽斷夕陽前。重來此地逢寒食。何處看春不可憐。

平涼

春色蕭條白日斜。平涼西北見天涯。惟餘青草于孫路。不屬朱門帝子家。宛馬如雲開漢苑。秦兵二月走胡沙。欲投萬里封侯筆。愧我談經鬢有華。

杪秋登太華山絕頂

縹緲真探白帝宮。三峰此日爲誰雄。蒼龍半挂秦川雨。石馬長嘶漢苑風。地敞中原秋色盡。天開萬里夕陽空。平生突兀看人意。容爾深知造化功。

滄溟

詩有虛响有沉  
著此沈著一路

郡城送友人

西來山色滿城頭。東望漳河入檻流。傲吏歲時頻  
卧閣。故人風雨一登樓。亂離王粲逢多病。著作虞  
卿老更愁。君到長安相問訊。誰憐五月有披裘。

張駕部宅梅花

仙郎雪後建章迴。清夜西堂擁上才。笛裏春愁燕  
塞滿。梁間月色漢宮來。即看芳樹催顏鬢。莫厭寒  
花對酒杯。共憶故人江北望。因君賦罷倚徘徊。

送楊給事河南召募

醜虜休南牧。朝廷議北征。幄中新授律。天下大徵  
兵。使者持符出。君推抗疏名。黃金秋突兀。白羽日  
縱橫。嶽雪三花秀。河水萬馬行。將軍邀劇孟。公子  
得侯嬴。屠販多豪傑。風塵鬱戰爭。有呼皆左袒。無  
役不先鳴。寧久燕山戍。終期瀚海清。過梁投賦筆。  
更爲請長纓。

七夕集元美宅送茂秦

祖席陳瓜果。征衣理薜蘿。雲邊看露掌。花裏出星  
河。仙吏揮金椀。佳人罷錦梭。新知天上少。秀句鄴  
中多。踈拙時名忌。雄豪虜障過。秋風吹鬢髮。落日

明詩別裁集卷八  
六  
渡滹沱七首荆卿贈刀頭桂客歌明年見牛女能不憶羊何

塞上曲送元美

白羽如霜出塞寒胡烽不斷接長安城頭一片西山月多少征人馬上看

送元美寄元美諸詩可使樂人歌之

送子相歸廣陵

廣陵秋色雨中開繫馬青楓江上臺落日千帆低不度驚濤一片雪山來

寄元美

薊門城上月婆娑玉笛誰爲出塞歌君自客中聽

不得秋風吹落小黃河

漁陽烽火暗西山一片征鴻海上還多少胡笳吹不轉秋風先入薊門關

於郡城送明卿之江西

青楓颯颯雨淒淒秋色遙看入楚迷誰向孤舟憐逐客白雲相送大江西

懷明卿

豫章西望彩雲間九派長江九疊山高卧不須窺石鏡秋風憔悴侍臣顏

贈梁伯龍



太華峰頭玉女壇。別時明月滿長安。不知秋色今多少。君到仙人掌上看。

春日聞明卿之京却寄

十載浮雲傍逐臣。歸來不改漢宮春。摩挲金馬宮門外。誰識當時諫獵人。

輓王中丞

中丞名忬元美父也為分宜嚴氏所害

司馬臺前列柏高。風雲猶自夾旌旄。屬鏤不是君王意。莫作胥江萬里濤。

為中丞吐氣而忠厚之意宛然

幕府高臨碣石開。薊門丹旆重徘徊。沙場入夜多風雨。人見親提鐵騎來。

和聶儀部明妃曲

天山雪後北風寒。抱得琵琶馬上彈。曲罷不知青海月。徘徊猶作漢宮看。

不著議論而一切著議論者皆在其下此詩品也

觀獵

胡鷹掣鏃北風迴。草盡平原使馬開。臂上角弓如却月。當場意氣射生來。

章美中

美中字道華吳縣人嘉靖丁未進士官至憲副

暮相思

征帆日已遠。回波不相待。暝色孤峰來。故鄉何處在。日淡墟裏煙。雲盡天邊海。如何暮相思。坐令鬢

容改。

仲春虎邱

孤閣生殘照。平臺下夕陰。疎鐘不知處。人影在花林。古刹雲光杳。空山劍氣深。依依池上月。猶復照登臨。

初秋感懷

秋風吹海水。夜色一何長。思婦樓頭月。征人馬上霜。亭臯雲稍白。隴坂葉初黃。物候堪銷落。應憐杜若芳。

送人

送子薜蘿別。悠悠鸞鶴群。亂山秋雨歇。孤驛暮濤分。去國見飛鳥。思家生白雲。闔閭城上月。清影為留君。

秋思

涼風起燕趙。萬里浮雲陰。思婦驚秋葉。寒蛩啼暮林。霜催銀箭色。雁度玉關心。蕭瑟江潭客。芙蓉孤渚深。

王世貞

世貞字元美太倉州人嘉靖丁未進士官山東副使以父難解官後補大名兵備歷仕至刑部尚書。弇州天

分既高學殖亦富自珊瑚木難以及牛溲馬勃無所不有樂府古體高出歷下何啻數倍七言近體亦規大家而鍛鍊未純故華瞻之餘時露淺率選中嚴加汰存不使胡元瑞諸人得藉口也

天門開

天門旭呀然。豁窅混沌金精發。疾若電燭黃漢十  
二樓。裊魚貫琉璃。蹙階火齊。塗圯光液四射不可  
仰。視屏翳走。豹約馳。霓晝靄若搖支。朱明曜以東  
起。纖阿迫以西。垂白榆。歷歷河之湄。天漿滌洄示  
昭儀。天門開。朝紫宮。中有使者冠芙蓉。朱衣璧簡  
縹緗青。類有疑。無觸若冥將。上帝命。况群生。顛精  
稽懇臚所希。惠我來思庇蒸黎。皞皞帝功斂希夷。

光采灼爍不  
必盡規漢樂

戰城南

戰城南。城南壁。黑雲壓我城北。伏兵搗我東。遊騎  
抄我西。使我不得休息。黃塵合匝。日為青天。模糊  
鉦鼓發。亂謹呼。胡騎斂。颺迅驅。樹若薺。草為枯。啼  
者何。父收子。妻問夫。戈甲委。積血淹。頭顱家家招  
魂入。隊隊自哀。諱告主將。主將若不知。生為邊陲  
士。野葬復何悲。釜中食。午未炊。惜其倉皇。遂長訣  
焉。得一飽。為野風。騷屑魂。依之曷不覩。主將高牙  
大纛。坐城中。生當封。徹侯死。當廟食。無窮。黃塵合匝  
三語寫出

古戰場末即死是征人死功  
是將軍功意特變化無迹

欽鴉行

山海經欽鴉圖贊欽鴉及鼓是  
殺祖江帝乃戮之於崑崙之東

飛來五色鳥。自名為鳳凰。千秋不一見。見者國祚昌。響以鐘鼓坐明堂。明堂饒梧桐。三日不鳴意何長。晨不見鳳凰。鳳凰乃在東門之陰。啄腐鼠。啾啾唧唧不得哺。夕不見鳳凰。鳳凰乃在西門之陰。媚蒼鷹。願爾肉攫分遺腥。梧桐長苦寒。竹實長苦饑。衆鳥驚相顧。不知鳳凰是欽。鴟。應指分宜言。鈴山讀書時天下以姚宋目之。故有千秋不一見見者國祚昌之語。

### 將軍行

婁豬化為龍頭角。故不分貪狼。長百獸。那不食。其群有何短。老公自稱大將軍。從兵三十萬。華蓋若

飄雲。尺一丹稜篋。細刺蛟螭文。一署臣某字。直入銅龍門。忽開青天笑。雷公不得聞。碧眼雙胡兒。慣騎大宛駒。與公同卧起。辮髮貂襜褕。朝令謁天子。暮令拜單于。單于開篋看。中有尺一書。織成紫纒瑜。恰恰覆窮盧。犀毗黃金造。密嵌珊瑚珠。團龍五色帛。百匹為一角。單于大歡喜。親為割肉炙。小婦彈琵琶。大婦奉羊酪。手取一束箭。墨文何錯落。為語而將軍。物微意不薄。箭鋒但相近。各各相引却。歸還告將軍。將軍大歡喜。今年胡却去。好復開茅土。幕府上功簿。兩胡對金紫。鬼伯何催促。將軍向

蒿里嚴霜一夜零。華堂遍荆杞。翩翩執金吾。緹騎  
類貔虎。急為發其私。丞相下御史。支磔將軍骸。分  
臬十二邊。車裂兩胡兒。剗肉施烏鳶。紅顏夫人婦。  
懸首映旌旃。白面羽林郎。含咽向重泉。小女配人  
奴。歌舞侯家筵。田園億千疆。各自稱新阡。生為衆  
人恨。死為衆鬼憐。寄語二心臣。貽臭空萬年。此詩為  
仇鸞作

鋪敘豐腴中帶古勁最近漢人又有袁江流一章紀  
嚴氏父子事倣焦仲卿妻詩緣摹倣有痕故不錄

### 遙望北邙山

遙望北邙山。塚墓鬱相樛。石獸蹲草間。妖狐誤來  
求。斧斤焉施伐。原窞各趨疇。積泯漸成無。焉能覩

其由。生時藉世羸。跡往神不留。豈若蓬蒿士。一語  
為千秋。

### 過維揚有懷子相

淮南萬木落。蒹葭鴻雁秋。迴瞻大江水。極眺黃河  
流。念此區中士。天翰阻同游。巖巖麗神京。英俊滿  
賓幃。豈乏攜手好。抗志乃綢繆。浮沉衆自覩。安測  
衷所由。奈何各分離。徽音邈以脩。子如宵行燭。分  
輝均道周。子如汀際鴛。哀鳴望其儔。

### 過長平作長平行

世間怪事那有此。四十萬人同日死。白骨高於太

行雪血飛迸。作汾流紫。銳頭豎子何足云。汝曹自死平原君。烏鷄飽宿鬼車哭。至今此地多愁雲。耕農往往誇遺跡。戰鏃千年土花碧。即令方朔澆豈散。總有巫咸招不得。君不見新安一夜秦人愁。二十萬鬼聲啾啾。郭開賣趙趙高出。秦壘忽送東諸侯。  
說出天道好還使  
窮兵黷武者知戒

贈梁公實謝病歸

汝謀結室羅浮頂。下飲仙人葛洪井。桂樹宛宛山日深。松花濛濛白雲冷。我亦欲買蜻蜓舟。歸與少年為薄遊。采蓮一曲杳然去。得醉即卧清溪頭。

送盧生還吳

盧生善詩逸者流。百結鸕鷀安足愁。輾然一笑別我去。春花落盡胡姬樓。欲留不能意彌惻。衆中誰憐好顏色。短裘倘過邯鄲道。青草已没平原宅。吳趨小娃迎問郎。北遊滿地塵茫茫。采菱深處唱一曲。豈若蘆笳能斷腸。

酌孫太初墓

死不必孫與子生。不必父與祖突作。憑陵千古人依然。寂寞一杯土。道場山陰五十秋。那能華表鶴來遊。君看太華蓮花掌。應有笙歌在上頭。  
離奇突兀  
弔太白山

人自應  
爾爾

### 陵祀

松楸何不極。復道見行宮。劍珮千官月。橋陵萬馬  
風。地迴山盡拱。雲合樹俱雄。白首先朝事。傷心涕  
淚中。

### 自夾山趣顏神感古

千秋此夾谷。駐馬意徘徊。蒼嶺爭何向。青天線劃  
開。人疑懸索度。水憶建瓴來。回首兵車地。虛生命  
世才。

### 陪段侍御登靈巖絕頂

徑折全疑盡。峰迴陡自開。蒼然萬山色。忽擁岱宗  
來。碧澗傳僧梵。青天落酒杯。雄風別有賦。不羨楚

蘭臺

蒼然二語可匹  
空同泰山詩

### 登太白樓

昔聞李供奉。長嘯獨登樓。此地一垂顧。高名百代  
留。白雲海色曙。明月天門秋。欲覓重來者。潺湲濟  
水流。

天空海濶有此眼界筆  
力纔許作登太白樓詩

### 送顧舍人使金陵還松

汝豈因鱸膾。吾曾識鳳毛。青雲歸暫得。白雪和誰  
高。海色鍾山雨。秋聲笠澤濤。南征有諸將。為語聖

躬勞

送張虞部伯啓左遷常州別駕

把袂翻輕別。沾膺自感時。主恩遷地近。吾道小臣宜。月迴延陵劍。潮平太伯祠。古人崇退讓。今子莫淒其。忠厚

亂後初入吳舍弟小酌

與爾同茲難。重逢恐未真。一身初屬我。萬事欲輸人。天意寧群盜。時艱更老親。不堪追往昔。醉語亦傷神。一身初屬我與書到汝為人各極沉痛。五六正是追往昔也氣雄味厚不愧杜陵。

庚戌秋有約吳峻伯不就賦此

漢樹淹胡月。天都拂塞塵。九關虛虎豹。層閣望麒麟。社稷群公手。兵戈一介身。請纓還請劍。慷慨涕沾巾。

義士李國卿歸骨長山哭以送之

生死銜恩在。間關病骨遙。刀頭空自卜。匕首為誰驕。風色田橫館。寒雲豫讓橋。豈無心一寸。魂斷竟難招。

書庚戌秋事

傳聞胡馬塞回中。候火甘泉極望同。風雨雕戈秋入塞。雲霄玉几晝還宮。書生自抱終軍憤。國士誰



譏魏絳功。北望蒼然天一色。漢家高碣倚寒空。三句

言宣大兵入援四句言上自西苑還大内也

### 登岱

尚憶秦松帝蹕留。至今風雨未全收。天門倒瀉銀河水。日觀翻懸碧海流。欲轉千盤迷積氣。誰從九點辨齊州。人間處處襄城轍。矯首蒼茫迴自愁。壁立芙蓉萬古看。削成松檜隱高盤。中峰翠壓徂徠色。絕頂青收碣石寒。梁甫吟成還自和。茂陵書就欲誰干。依微白馬吳閭在。欲向秋風問羽翰。軒轅皇帝有高臺。鞭石千秋輦道開。匹練天縈吳

觀出金泥。日射漢封回。西盤瓠子河。如帶東挂扶桑海。一杯誰為登壇論。王氣祇應塵世有仙才。

### 盤山

千盤歷盡更茫然。回首中原暝色邊。峽轉琳宮藏漢月。峰排紫劍插胡天。雲根檜坼龍鱗起。磴道泉歸玉乳懸。深夜不須驚鼓吹。看予箕坐嘯風前。

### 行部高陽遇河決不浸三板

投馬虛疑捷石成。射蛟或恐海神驚。陸沉玄圃千峰細。天倒黃河萬堞平。漸老中原魚沸鬱。欲歸南極虎縱橫。濁醪誰是高陽侶。遙夜窮愁白髮生。

同省中諸君過徐丈

詞客真同河朔遊。主人偏解孟公留。高城過雨涼生席。殘夜花明月滿樓。紫玉行杯彈出塞。紅牙催拍按梁州。更憐少日閭門侶。菱葉芙蓉湖上舟。

立春前一日過尹汝漁副使飲

東走齊河水雪開。鬱蔥佳氣近樓臺。相逢臘向尊中盡。敢道春從使者來。落日千門飛鴈去。黃雲一騎按雕迴。知君且住袁絲里。陸博酣歌未易才。

寄家弟振美

江頭風色峭帆新。江雁銜蘆來往頻。握手已非生。

別地題詩還是暫時人。天橫北海書難信。日落吳門練未真。俗敝汝曹無可却。時違豺虎即須親。應是

家難後詩

寄耿中丞子承

黃龍東去海雲低。玄菟城頭烏夜啼。帳下青羌新屬國。軍中白馬舊安西。牙旗月擁諸陵出。甲帳天迴萬堞齊。最是駝酥爭捧處。不妨飛捷醉中題。

送徐子與祀康陵

佳城蔥鬱鎖楸梧。武帝神游定有無。金榜星辰千嶺逼。翠旗風雨萬靈趨。俱傳駿足留瑤海。亦有龍

髯墮鼎湖。此日詞臣空灑淚。獻陵春望已模糊。題祀

康陵結到望獻陵見遺澤在人不可忘也

戚大將軍入帥禁旅。枉駕草堂賦此贈別。初聞小隊駐吳江。忽漫花溪隱畫艫。細柳尚虛金鎖甲。前茅時緩碧油幢。南中舊部思馳義。塞上新城喜受降。倘寫雲臺須第一。如論國士總無雙。

### 憶昔

憶昔南巡漢武皇。樓船車馬日相望。輕裘鄴杜張公子。挾瑟邯鄲呂氏倡。秋盡旌旗營細柳。夜深烽火獵長楊。孤臣亦有遺弓淚。不見當時折檻郎。張公

子指錢寧一流呂氏倡謂劉孃

### 故關

四塞河山險中通。一線行雄關蔽全趙。疊嶂拱神京。尺地分寒暑。中天各晦明。秋英開繡壁。夕照吐金城。屋似浮空置。田疑傍漢耕。雲根穿作竇。石髓借為粳。樹雜旂旂擁。峰陪劔戟迎。符從襄子計。陣擬率然名。廣武堪稱客。成安未曉兵。古來興廢事。大半誤儒生。

### 送妻弟魏生還里

阿姊扶牀泣。諸甥繞膝啼。平安只兩字。莫惜過江

題

從軍行

蹋臂歸來六博場。城中白羽募征羌。相逢試解吳  
鈎看。已是金河萬里霜。

西宮怨

點點蓮花漏未央。乍寒如水浸羅裳。誰憐金井梧  
桐露。一夜鴛鴦瓦上霜。

飲歐陽鎮朔即事有贈

旌旗春偃白龍堆。教客休停鸚鵡杯。歌舞未殘飛  
騎出。月中生縛左賢來。

廣陵訪周公瑕不遇

豪華自古讓維揚。一水橫江即異鄉。二十四橋歌  
吹遍。不知何處覓周郎。

戚將軍贈寶劍歌

毋嫌身價抵千金。一寸純鈎一寸心。欲識命輕恩  
重處。灞陵風雨夜來深。

曾向滄流割怒鯨。酒闌分手贈書生。芙蓉澀盡魚  
鱗老。總為人間事漸平。

謝

榛

榛字茂秦臨清人。自稱四溟山人。四溟五言近體句烹  
字鍊氣逸調高。七子中故推獨步。古體局守規格有宗

法而無生  
氣弗取也

榆河曉發

朝暉開衆山。遙見居庸關。雲出三邊外。風生萬馬

鬢斑。

讀風生萬馬間紙上有聲  
若衍成二語氣味便薄

大梁冬夜

坐嘯南樓夜。孤燈客思長。人吹五更笛。月照萬家  
霜。歸計身多病。生涯鬢易蒼。征鴻向何許。春意遍  
湖湘。

居庸關

控海幽燕地。彎弓豪俠兒。秋山牧馬處。朔塞用兵

時。嶺斷雲飛迴。關長鳥度遲。當朝有魏尚。復此駐  
旌旗。

送謝給事封蜀

使星巴蜀外。漢節夜郎西。樹斷分金馬。江清見石  
犀。王孫重茅土。天子錫桐圭。異世懷張載。應留劔  
閣題。

渡黃河

路出大梁城。關河開曉晴。日翻龍窟動。風掃雁沙  
平。倚劔嗟身事。張帆快旅情。茫茫不知處。空外權  
歌聲。

翻字掃字得  
少陵詩眼法

初冬夜同李伯承過碧雲寺

並馬尋名寺。登高藉短筇。飛泉鳴古澗。落月在寒松。石路經千轉。雲巖復幾重。人間多夢寐。誰聽上方鐘。

李行人元樹宅同謝張二內翰話洞庭湖

南望岳陽郡。蒼茫吳楚分。帆迴孤島樹。樓出九江雲。落日波中沒。秋風天外聞。何時采蘋藻。湖上弔湘君。

暮秋簡徐別駕載卿

南征秋轉劇。不寐夜漫漫。白髮艱虞出。滄洲去住

難。旌旗連野暗。兵甲照江寒。選將須臾事。誰能議築壇。

元夕道院同公實子與于鱗元美子相五君得家字

長空月正滿。遊騎隘京華。夜火分千樹。春星落萬家。乘閑來紫府。垂老問丹砂。笙鶴歸何處。依稀見

彩霞。春星五字亦警亦秀自能高壓滿坐

七夕敬二君餞別得秋字

北斗挂城頭。明河迴不流。人間清露夜。天上白榆秋。聚散多岐路。悲歡自女牛。誰知老來拙。回首故

鄉樓

與朝暉開衆山一種起手

送樊侍御文敘之金陵

地入維揚路。天分牛斗墟。秋帆二水外。春草六朝餘。冰雪生官舍。風塵走諫書。從來經國者。寧不念樵漁。

送欽水部子辰之沛中

清標憐水部。南去意何窮。樹色分淮甸。河流見禹功。亂帆春草外。古堞暮雲中。感慨登臺處。蕭蕭起大風。

有感

薄伐元中策。論兵自古難。漢唐頻拓地。將帥幾登壇。絕漠兼天盡。交河蕩日寒。不知大宛馬。曾復到長安。

野興

白白霜凝地。飛飛鴈渡河。孤峰依漢迥。老樹得秋多。月曉山精伏。時清野父歌。短筇隨我意。一徑入煙蘿。

秋日懷弟

生涯憐汝自樵蘇。時序驚心尚道途。別後幾年兒女大。望中千里弟兄孤。秋天落木愁多少。夜雨殘

燈夢有無。遙想故園。揮涕淚。况聞寒鴈下江湖。

夜話李孺長書屋。因懷其尊君左納言。

忘年爾我重交情。論事相同見老成。月到廣除寒  
有色。鴉歸疎柳夜無聲。三農最苦江南稅。百戰方  
休海上兵。歲暮銀臺應感歎。幾人封事為蒼生。江特

南增稅海寇方息山人感  
事及之非泛作憂時語

### 中秋宴集

滿空華月好登樓。坐倚高寒攬翠裘。江漢光翻千  
里雪。桂花香動萬山秋。黃龍塞上征夫淚。丹鳳城  
中少婦愁。詞客共耽今夜酒。漫彈瑤瑟唱伊州。

### 送謝武選少安鶴師固原因還蜀會兄葬

天書早下促星輶。二月關河凍欲銷。白首應憐班  
定遠。黃金先賜霍嫖姚。秦雲曉渡三川水。蜀道春  
通萬里橋。一對郾筒腸欲斷。鶴鴿原上草蕭蕭。將題

意逐層安放一氣轉摺有神無迹與高青  
邱送沈左司詩三百年中不易多見者也

### 送王侍御按河南

塞上初歸復此行。燕南極目送飛旌。天連嵩嶽寒  
雲盡。馬渡黃河春草生。簪筆常思未央殿。封章時  
發大梁城。知君最愛應劉賦。更向西園一寄聲。

七夕留別汪伯陽李于鱗王元美得知字



久客言歸意。留連幾故知。鵲橋星度夜。燕館月沉時。天上纔歡合。人間轉別離。晴分絳河影。秋動白榆枝。桂醕還成醉。萍蹤不可期。年年湖海上。今夕定相思。

行路難

荀卿將入楚。范叔未歸秦。花鳥非鄉國。悠悠行路人。  
平淡語而行路之難自見

秋閨曲

目極江天遠。秋霜下白蘋。可憐南去雁。不為倚樓人。

塞下曲

旌旗蕩野塞雲開。金鼓連天朔雁回。落日半山追點虜。彎弓直過李陵臺。

漠北詞

石頭敲火炙黃羊。胡女低歌勸酪漿。醉殺群胡不知夜。鷓兒嶺下月如霜。

擣衣曲

秦關昨夜一書歸。百戰猶隨劉武威。見說平安收涕淚。梧桐樹下擣寒衣。  
可憐無定河邊骨。猶是春閨夢裏人。幾於哀感頑艷矣。此詩可以嗣音。

遠別曲

郎君幾載客三秦。好憶儂家漢水濱。門外兩株烏  
柏樹。叮嚀說向寄書人。

寫情極真。方之茨姑葉  
爛一篇。可云新聲古意。

明詩別裁集卷八

三  
二  
一



